

Umiakpakyuakkuurutit

Umiakkuurutit atuqpagait atuqhimmaaqaqhuq tamainnut Nunavunmi nunallaanut nunamiittunullu piyaanginni ukiungani aqiuqtuqtamingnik uhiyit hunavalungnut atuqniaqtanginnut ukiunganut. Ihuatqiyuhimmaaqtuq uhitjutigivlugu niuvikhimayanik ukiuqtaqtumut. Ukiuq tamaat, umiat umiakturpaktut hivuraanit Kanatami Umianut Tulaktarviinnit uhivlutik igluliurutikhanik, akhaluutininik, akhaluutikyuanik, iglunut atugakhanik niqiniklu.

Agitjivikhainut naunaitkutat umiakkuut tuhaqtitjutigivagait naunaittumiklu atuqhugit ilaani kihimi hilaklukpaktuq tariumi ilaani umiakturnaittuq, tariumi hikulu pitjutigiyait umiakturtitlugit upaknahuaqtamingnut aalannguqaktut ilaani.

Pivaktaraluangit, umaikturlikpaktut akunngani nungutinnagu Immaktirvia nunguliraangatlu Tattiaqnaqvia ukiuni tamainni.

Pitinnagit aviktuqhimayumut Nunavunmik (Nunakput), ukuat Canadian Coast Guard-kut havaarivagait ihuaqhaivlutik upalungaiyapkakhutiklu ikayuqhutik ukuninga kivataani ukiuqtaqtumi umiakkuut agitgiyakhainik hunavalungnik uqhuqyaniklu aallatkiinut umiakkuurutinut. Una havaktautjutaa nuutpagaat ukununga Kavamanga Nunavunmut (GN). Kavamatkut kaantraaliqiyiit, una Nunaliriyiit Kavamaliqiyiitkullu (CGS) havaariyaat ukiungani niuviktauhimayunik umiakkuuqhugit Uqhuqyauliqiyitlu havakhugit uqhuqyuanik atuqtauniaqtunik umiakkuuqhugit.

CGS-kut havaarihimmaaqtaat niuvikpakhutik upalungaiyautikhanullu ikayuqhutik havaarivlugu umiakkuurutit kavamatkunut. GN-kut (havakatigiyailu) havaktitpagait naunaikhimayut umaikkuuknahuat agitjiyaanginni niuviktauhimayunik havakvimingnut tamainni nunallaani. Nunavunmiittut inuit nanminiaqqtullu ikayuqtaunginnarialgitlu aatjikkiiitunit pitquyainik qanuriliurutikhainiklu uqarivlugit ihuarhaqhimayangit ukuat naunaikhimayut umiakkuuknahuat agitjilutik niuvikhimayanik.

Naunaikhiyaangini qanuq aturianginni umiakkuurutit niuviknahuaqtangnut, aalanik naunaitkutaqaqtuq uvuuna qaritauyakkut takuyakturviani naunaikvigilugulu naunaikhimayut umiakturnahuaq nunallaangnut (Takulugu tuhaqtitjutinut Tuhaqtitaiyut ataani). Uumani ukiungani, CGS-kut piliuqtut Naunaitkutakhamik atiqaqtumik umiakkuurutikhanut "How to Sealift" (Kakugunnuaq Pinaqtaat) hamanit piinnarialik. Ilihimayakhatit umiakkuurutikhanut umikvikhaa ublua nunallaangnut ihuaqhilugillu ihumagiyaayut naunaikhimayut Naunaitkutami ukunatut puuktuinirmut, havaariyaannut piyaamilu piyaghait ihuaqtumik ayuqhautiqaqnaittumik umiakkuut aqiuqturiami. Naunaitkutakhanik piyumaguvit, uqaqvigilugu:

Atannguyaq Upalungaiyaunikkut

Niuviktittiyit, Upalungaiyaunikkut Kaantraanut Ikayuqtitlu

(867) 975-5437

